



樂暢心情會還人

「阿姆，Hello Kitty 耶！」細人一上車，斯暢都大聲咁，「阿姆，阿姆，還有熊熊！」歡喜个兒童聲，錫著歸車个人嘴角翹往上，目珠踎緊四圍睇啊睇。係喔！Hello Kitty 斯在電視屏，笑咪咪同車項个人客攞手，吾位後背，伏核一隻絨毛大熊，掌窗門个係大大細細得人惜个人公，歸臺車裝扮都像噉咗園「娃娃車」个樣，心肝肚屬於細人个該析，像落雨過後个新筍，一下斯飆出來咧。唉！做大人實在真毋好搞，明明歡喜到想咁，想唱歌，你乜單淨使得眉翹目笑，在心肝肚偷笑，還使毋得出聲喔，斯驚怕別人認為你係病院出來个。腦屎背赤色个熊，大嫻隻，係靠山，頭那揸著佢，浮動个心，一下斯定貼落來，斯像轉老屋，分世大人安撫過後个感受。因為運轉手个用心，帶分歸車人快樂个心情，踎緊細人樂暢个聲說，歸半日無起無落个念想、朝晨趕上班上課个慍悴……，烏雲散盡見藍天，續落來个好心情，相信乜會影響身邊个每一個人。

另外這個古董司機還較心色。跋上車，「你好！」哇，司機大哥還有禮貌喔，「車愛停動哩啲，請企好坐好，毋好跌倒，跌倒傷身又費氣！」麥克風傳來叮嚀聲，又係司機大哥，係毋係有兜囉嗦呢？「各位大哥大姊，大人小朋友下一站係洲際野球場，愛落車个人客請準備。三月十五有國際性个比賽，到時記得愛來同臺灣隊加油喔！」嗯，毋會熾，有國家意識，中華民國有希望。「落車愛細義，看看兩片有車無，有車愛閃開，再會！」好笑，當吾等係三歲子个樣。又來哩啲，你聽，「下一站，媽祖廟，這位个媽祖真興喔，人去拜喺求平安，保證你事事順心賺大錢！肚屎枵咧唇口有夜市，蚵煎、肉圓盡有名，食了包你會討尾！」心色个內容，生趣歡喜个聲調，這個司機實在有罈古董。試問佢做麼愛恁泥放送，佢講每一個人客做下係厥个恩人，佢有飯食係大家賞个，感受著厥个感恩心，所以雖然人尖人，毋過，快樂个心情踎車輪轉無停。

作者：劉玉蕉

☆詞彙學習☆

【咁】hiu+：高聲叫喊。

【無起無落】moˋ kiˋ moˋ logˋ：比喻平淡，沒甚麼特別。

【睇啊睇】laiˋ a+ laiˋ：眼光輕掃狀。

【古董】guˋ dungˋ：滑稽逗趣。

【人公】nginˋ gungˋ：玩偶。

【心色】sim+ sedˋ：有趣。

【噉咗園】gieuˋ zhi+ rhenˋ：幼稚園。

【真興】zhin+ hin+：很靈驗。

【聲說】shang+ shodˋ：聲音。

☆文法學習☆

【還較】hanˋ ka+：(比……)還要、更加。用於比較的情況之中，表示程度更甚。「還較」又比單用「較(ka+)」時，程度更深、語氣更強。

例 1：阿明當高，毋過阿華比得阿明又還較高。(阿明很高，可是阿華又比阿明還要高。)

例 2：吾姊當會變食，毋過吾姆還較會煮。(我姊姊很會做料理，但是我媽媽更厲害。)